

**Razvojna banka Federacije
Bosne i Hercegovine
v.d. Predsjednik Uprave**

Broj: 6136-III/25
Sarajevo, 29.05.2025. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 6034-XI/25 od 27.05.2025. godine, v.d. Predsjednik Uprave donosi

ODLUKU

**o izboru najpovoljnijeg ponuđača u postupku javne nabavke usluga eksterne revizije
informacionog sistema Razvojne banke Federacije BiH za 2024. godinu**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 6034-XI/25 od 27.05.2025. godine i ugovor za javnu nabavku usluga eksterne revizije informacionog sistema Razvojne banke Federacije BiH za 2024. godinu dodjeljuje se ponuđaču Grant Thornton d.o.o. Banja Luka, Ulica Vase Pelagića broj 2, IV sprat, 78000 Banja Luka, kao najpovoljnijem ponuđaču u otvorenom postupku javne nabavke.

Član 2.

Ukupna cijena predmetnih usluga iz člana 1. ove Odluke iznosi 25.000,00 KM bez PDV-a, što u konačnici, s uračunatim PDV-om, iznosi 29.250,00 KM.

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 4.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga eksterne revizije informacionog sistema Razvojne banke Federacije BiH za 2024. godinu broj: 4673-III/25 od 23.04.2025. godine, pokrenut je postupak predmetne nabavke.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 25.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 25.04.2025. godine, broj obavještenja: 1011-1-2-92-3-42/25 (objava u „Službenom glasniku BiH“ broj 27/25 od 09.05.2025. godine).

Tenderska dokumentacija objavljena je zajedno sa obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 1763-III/25 od 14.02.2025. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke te o tome sačinila Zapisnik o pregledu i ocjeni ponuda u kojem je utvrđeno da su blagovremeno pristigle 2 (dvije) ponude, kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„Grant Thornton d.o.o. Banja Luka“, ul. Vase Pelagića br. 2, Banja Luka	19.05.2025. godine u 08:39 h	25.000,00	0,00	25.000,00
2.	„Ernst & Young d.o.o. Sarajevo“, ul. Vrbanja br. 1, Sarajevo	19.05.2025. godine u 11:33 h	25.000,00	0,00	25.000,00

Na osnovu izvršene analize i ocjene pristiglih ponuda, Komisija je utvrdila sljedeće:

Ponuda ponuđača „Ernst & Young d.o.o. Sarajevo“ ne ispunjava sve uslove koji su se tražili tenderskom dokumentacijom, te se ponuda odbacuje kao neprihvatljiva, što je detaljno obrazloženo u Zapisniku Komisije o pregledu i ocjeni ponuda broj: 6034-XI/25 od 27.05.2025. godine, koji je prilog ove Odluke.

Ponuda ponuđača „Grant Thornton d.o.o. Banja Luka“ je prihvatljiva.

Tačkom 22. tenderske dokumentacije predviđeno je provođenje e-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 80/23).

S obzirom da je zaprimljena samo 1 (jedna) prihvatljiva ponuda, u skladu sa članom 4. stav (2) gore navedenog Pravilnika, e-aukcija se ne može zakazati, već se postupak okončava u skladu sa članom 69. Zakona o javnim nabavkama.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima i uslovima iz tenderske dokumentacije.

Imajući u vidu sve prethodno navedeno, a prvenstveno da je „Grant Thornton d.o.o. Banja Luka“ u predmetnom postupku javne nabavke dostavio prihvatljivu ponudu u skladu sa tenderskom dokumentacijom, koja je, prema kriteriju za izbor ponude (najniža cijena) ocijenjena prihvatljivom, te ispunjava sve uslove i zahtjeve predviđene otvorenim postupkom javne nabavke, primjenom člana 64. stav (1) tačka b) i člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.

v.d. Predsjednik Uprave

Borislav Trlin



Dostaviti:

- Učesnicima u postupku.